

Emprim «snow day 4 kids» sco cumenzament per il maraton da passlung da l'Engiadina

■ **(cc) 320 uffants da la scola primara èn sa participads dacurt a San Murezzan a la premiera dal «snow day 4 kids». Da 5 chantuns eran arrivads las scolaras ed il scolars da 6 fin 12 onns cun lur persunas d'instrucziun per passentar in di da moviment tut spezial.** Cusseglia guvernativ *Christian*

Rathgeb ed Ivo *Damasko*, president dal comité d'organisaziun dal maraton da passlung da l'Engiadina, han beneventà las classas da scola.

Nua che millis passlunghistas e passlunghistas sa glischnan en 2 dis sur las loipas a chaschun dal maraton da passlung da l'Engiadina han giudì dacurt 16 classas

da scola da 5 chantuns – ch'eran vegnidas tratgas ora – in di da moviment allegher. En il «Dario Cologna Fun Parcours» è lura er stà il passlung en il center: Mintgamai 80 uffants da scola faschevan a medem temp sut instrucziun cumpetenta empriemas emprovas sin ils skis balluccants. Ma er tar il «Schlitten-Jöring», tar il sigl en

lung en la naiv e tar las staffettas da bottas da naiv nunconvenziunalas valevi da rimnar puncts prezios – la finala spetgavan premis da classa attractivs.

Il percurs d'enviern nunusità pareva da far plaschair a tuts. E cun quai è la finamira cuntanschida: Il «snow day 4 kids» vul motivar uffants er da sa mover

avunda l'enviern. L'occurrenta è vegnida organisada dal comité d'organisaziun dal maraton da passlung da l'Engiadina, da Swiss Ski, dal chantun Grischun en il rom da ses program «graubünden bewegt» sco er da «fit-4-future», il pli grond project per la promoziun dal moviment per uffants en Svizra.